



30.april 2019

UPA2019/109

Tamanut ammasumik tusarniaanerni ammanerunissap qulakkeerpeqarnissaanik Naalakkersuisut peqquneqarnissaannik Inatsisartuni aalajangiiffigisassatut siunnersuut. Minnerpaamik tusarniaanernut najoqqutassanik tamanit pissarsisinnaanissaat qulakkeerpeqassaaq
(Inatsisartunut ilaasortaq Aleqa Hammond, Nunatta Qitornai)

Inuiaqatigiinni ammasumik ingerlatsinermi Naalakkersuisuit nittartagaat annertuumik pingaaruteqarpoq. Tamat malinnaavigisinnaasaannik aammalu isummersoqataaffigisinnaanik inatsisiliornissaq inuiaqatigiit tamat oqartussaaqataanerannik tunngaveqartoq timitalerneqarfiisa ilagaat pingaaruteqarluinnartooq.

Tamanut ammalluinnartumik tusarniaariaaseq Naalakkersuisut periuseraat aamma taamaattussaavoq, assersuutitut taallugu inatsisissatut siunnersuutitut missingiutit takuneqarsinnaapput, aaliangiinerit allallu tamanut tusarniaassutigineqarnerannut Naalakkersuisut tusarniaanermut nittartagaa aqputigalugu kikkulluunniit peqataasinnaammata.

Tusarniaasarneq pillugu aalajangersakkat ilitersuutillu assigiinngitsut allaffissornikkut suliaqarnissap aaqqissuunneqarneranut ilanngunneqartussat ataatsimut isigineqarsinnaasutut taaneqarput. Ilangullugulu erseqqissaassutigineqarpoq tamanut ammasumik tusarniaasarneq Naalakkersuisut isumaat naapertorlugu malittarisassat atuuttut, tassa inasisit kiisalu ilitersuutit aamma suliffimmi malittarisassat naapertorlugit naliginnaasumik pisarmata.

Ammanerusumik tusarniaasarneq akerlilersorneqanngilaq, tamannaammammi inuiaqatigiit aaqqissugaanitsinni tunaartat pingaaruteqarluinnartut aammalu tamat oqartussaaqataanerannik illersuisoq peqataatitsiffiusorlu. Erseqqinnerusumik suli ingerlatsinissamik ujartuineq apeqquserneqanngilaq tamannalu aamma Naalakkersuisut soorlu oqarnerattuut tapersersugassaavoq.

Siunnersuut taperserparput ataatsimiitsitaliamilu susassaqtumut innersuullutigu.